



Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel
Lvcra, à bono iustoq[ue] Mundi Gubernatore Deo
Distribvta**

Stengel, Georg

Ingolstadij, 1648

§. 15. Pueri admirabilis amor paupertatis.

[urn:nbn:de:hbz:466:1-52359](https://nbn-resolving.de/urn:nbn:de:hbz:466:1-52359)

fuisse. Virum autem vera quis sit humilitate
præditus, tum potest intelligi, si placide ferat
injuriam. Hæc humilitas à Deo etiam in hac
vita fuit exaltata; in qua etiam patuit,
quām magna sit vilis vestimenti, & exigui
lectuli voluntariè pauperum, in oculis Dei,
pulchritudo; quidque in altera vita speran-
dum sit ijs, qui futura ita nōrunt sperare,
vt præsentia possint spernere. Si enim tan-
tus honor est belli, quanta erit gloria tri-
umphi?

§. XV.

Pueri admirabilis amor paupertatis.

Sed à puero quoq; discamus contemtum
pecuniarum. Nam vt etiam viri ab hac æta-
te audirent, picem tutiū tangi, quām mo-
netam, complures de puero Toraltano scri-
ptores meminerunt, præsertim autem Meyer.
rus, in Annalibus Flandricis. Oppidum est
quoddam Flandriæ, Thorouth dictum. In
eo, circa Annum Seruatoris 1220. puer
fuit, Achas nomine; honestis pariter & co-
piosis parentibus ortus; ætate quintum an-
num nondum excedebat, prudentia autem
atque pietate, etiam quemvis ex adultiori-
bus superabat. Nisi membrorum, & totius
corporis exilitatem vidisses, puerum esse

Meyer. in

Annal.

Flandr.

An. 1220.

Thom.

Cantipr.

lib. 2.

Apum. c.

28. §. 2.

Molan. in

natal. SS.

Belgij,

die 11. Iu-

Cc 3 negaf- pij.

negasses, tanta erat in eo morum dignitas. Oculos incidentis modestia deorsum flebat; manus sursum tollebat pietas orantis; pedes ambulantis matura grauitas, linguam loquentis ipsa Suada regebat; denique in toto vultu gratiae videbantur habitare. Hic tantillus pusio, quam primum in aspectum venit Fratrum minorum, cœpit igniculus persentiscere, Ordinis eius, quam posset, imitandi. Quare non desistit ante parentes precibus, lachrymis, gemitu fatigare, quamvis eis obtineret, ut simili amictu vestiretur. Annuerunt illi tandem, & puerile desiderium esse existimantes, cum tempore, putauerunt abiturum. Verum longè aliter rescedit. Nam cum tempore desiderium crevit, immo & studium. Quod parentes, & vicini manifestis argumentis cognouerunt. Cœpit enim Achas non iam habitum tantum, sed etiam reliquos eorum Religiosorum mores consuetudinesque ad amissim obseruare. Itaque & cucullatus procedebat, & nudis pedibus, quamvis frigus esset, & lumbos nodoso duroque fune stringebat. Sed, ante omnia, argentum & aurum maximopere fugiebat tangere. Diebus sollempibus, vicinorum pueros vndiq; in plateis conuoca

conuocabat, inque eorum medio sedens,
concionabatur, moresque singulorum ex-
aminabat accuratissime; si distorti essent, si
pertinaces, si superbi, nimisque vestibus cul-
ti, aut inuercundi, arguebat eos, proposi-
tis inferorum supplicijs: si modesti, si ad pie-
tatem proni, cælestem illis gloriam promit-
tebat. Quin & orare docebat ignorantes,
atque crucem formare, genuaque ad Dei-
param salutandam flectere. Dum hæc talia
publicè gereret, non raro ipsi quoque senes
cum filijs suis confluxerunt ad illum, miri-
ficeque verbis & factis illius delectabantur.
Quin adeò censuit officij sui esse, vbiq; cau-
sam Dei agere, vt ausus sit ipsos quoque
suos parentes monere, si quando viderentur
delinquere. Nam & patri temerè iuranti, aut
iusto plus bibenti, aliudué indecens quid-
dam admittenti flens dicebat: *Pater charis-
sime, numquid Presbyter noster, in Ecclesia dicit,*
*quia qui talia agunt regnum Dei non poſide-
bunt?* Matri, quodam festo die, cum Sido-
nium in morem vestes ostroque auroque
rigentes gestaret, in templo, coram confi-
dentibus, mœrens, & suspirijs intermixtis
dixit: *Intuere, mater, intuere, & videoas Do-
minum nostrum I E S V M Christum nudum in*

cruce pendentem, Sanguine rubricatum, &
tute in contumeliam eius vestibus scarletis
adornasti? Caeve, mater, caue charissima,
ne pro rubore vestium pœnas ignis infernalis in-
curras. Hæc parvulus Franciscanus: nec si-
ne fructu. Mater enim quām primūd-
mum rediit, purpuram abiecit, neque am-
plius, vt eam resumeret, potuit induā.
Hunc paupertatis amorem non tantum in
suis, & maternis vestibus ostendit, sed ma-
xime omnium in pecuniarum detestatione.
Diverterant aliquando in paternam domū
quidam Negotiatores. Ibi viderunt pufo-
num cucullatum, nihil leue, aut puerile tra-
stantem. Mirati in aliena ætate maturita-
tem, parentes eius interrogarunt, quid rei
id esset? Aiunt parentes, vnico alloquo
Fratrum minorum, puerum ita captum esse
amore Ordinis illius æmulandi, vt ex eo
tempore, numquā destiterit facere, quæ ab
illis fieri animaduertisset. Quin adeò in eo
vitæ instituto tenacem, vt pecuniam magis
horreret, quām anguem attingere. Quod
postquam iocosi hospites intellexerunt,
nummum, clam puer, poculo, ex quo
bibeant, indidere; idque, quod vini in-
fundo supererat, iussere puerum eibere.

Paret

Paret ille, sed exhausto vino, nummum reperit. Ibi, quasi cacodæmonem ipsum reperrisset, ita horrendis modis cœpit exclamare, projectoque in terram vase, oculos & manus in cælum tendens, atque uberrimè lachrymans dixit: *Tu nosti, Deus omnipotens, quod inscius Ordinem meum violavi.* Optarem pari dolore affici multos, qui scientes volentesque ordinem suum violauerunt! Nam cum dicto Achas toto vultu expalluit, omnibusque membris cœpit contremiscere; ac mox quasi ex tempore moriturus, redeunte sanguine copiosiore, tota rursus facie denigratus est. Territi sunt hospites, expauerunt parentes; Pater properè acciuit sacerdotem, qui puero absoluto manum imponens, dolorem mitigauit. Tantus erat horror pecuniæ tangendæ. Sed non ita diu postea superuixit: nondum enim expleto ætatis septennio, consummatus in breui Sap. 4: *expleuit tempora multa: placita enim erat Deo anima illius. Raptus est, ne malitia mutaret intellectum ipsius, aut ne fictio deciperet animam eius.* Eo sanctissimè defuncto, tunica, qua ægrotantis corpus tegebatur, repente disparuit, à nullo postea umquam visa; quippe quam Angeli cum anima illius Deo præsen-

Cc 5

taue-

tauerunt. Inter alia mira, quæ mortem eius sunt secuta, fuit, quod parentes eius in commoti sint filij exemplo, ut & ipsi, spiritis rebus omnibus, mundo nuncium remiserint, & pater quidem in Ordinem Dominicanorum, mater autem Cisterciensium, uno tempore, intrantes docuerint, virtutem non tantum à parentibus in filios, sed etiam à filijs in parentes posse propagari.

§. XVI.

Mechtildis & fratribus eius, regis scotie, ammiranda studia paupertatis.

Prætermisis alijs numero carentibus, agmen claudant, qui sanguine regio, atque iuuenili, virtute plus quam heroica admodum clari, meritò alios rapere possunt ad imitationem, contemptumque diviciarum, & amorem paupertatis. Mechtildis filia regis Scotie quatuor fratres numeravit, e quibus unus Dux, alter Comes, tertius Archiepiscopus, omnes diuitijs abundantes, quibus tamen inopiam sponte anteposuerunt. Nam Dux, Christi imitandi amore, uxore relicta, spiritisque Mundi illecebris, pauperrimus exulauit. Comes seculari pompa vitam eremiticam prætulit. Archiepiscopus, deposita mitra, atque regimine abdi-

Bapt. Ful-
gos. lib. 4.
cap. 4. &
Thom.
Cantipr.
lib. 2.
Apum. c.
20. §. 3.
&cseqq.